



白石詩稿二

田村

~ 18
2453
2



24402
明
號 2453
卷 2

白石遺稿卷之

完山李正儒士宗 著



詩

臨津関

丙午

坡山來盡此西北有譙樓疊嶂雲中落寒江地底流
関防非不固肉食奈無謀長嘯秋天碧矐儒立晚舟
過臨湍縣

秋深原隰曠匹馬去蒼然落日天光淨高風塞氣先
千家黃葉裡一郡白鷗前更歷寒山遠入烟稍可憐
向大興山城遇南門卒喜吟

重疊青山亂縱橫細踏迷偶隨門卒去微甬在東西
花潭道中

不識花潭踏行水一方遠岑舍道氣虛壑映幽光
祇可從前去應須到底藏先生曾讀易俎豆遂其旁

逝斯亭

水窮亭始出秋色礪之西若值桃花節遊人也自迷
釣臺

林風撼撼壑生哀黝石周遭翠浸苔欲識高人深涉
趣須者百尺釣魚臺

謁花谷書院

百年邁軸洞天竒泓水洋洋可樂飢几閣琴書皆舊
躅春秋蘋藻祇荒祠溪山偶得高人重魚鳥何知過
客悲但覺衰齡求道倦先生如在見瑕疵

自花谷八大興山城日已曛矣

纖月生林薄冥禽已八棲藤梢挈客袂石子闢驛蹄
怯度溪頻澁起來洞轉迷山氓常慣遣寺在小峰西

大興寺前盤石

曛黑藤蘿外虛明別有光未來殊况惚既得少彷徨
照矚微鋪雪聞登淺抹霜待朝看更細姑去宿禪房

又得寒字賦

山郭戎戎暝色寒上方猶隔數重巒林窮石出翻驚
眼好住遊人一夜看

其二

夜溪渾白生山月又今夕初疑月橫溪視逼方知石

八大興寺

勝國崇西教開堂在盛時水流僧不住天老佛應知
古堞羣巒集虛樓半月窺沉吟頻繞砌禪理亦成虧
夜得燈字賦

人馬俱飢倦不勝穿來席豹越凌嶒寒山入定皆成
佛古刹無光半去僧陰殿遠膏生細月破窓分翳睡

青燈空門寄宿差安意瞑飯何嫌脫粟蒸

其二

殿角琅璫動暗風禪觀寂寂夜來空寒山盡入高麗
國五百年光佛夢中

望諸峰

列壑爭不遜盡向雲霄擡却似靈山會莊嚴衆佛來
欲登萬景台僧云葉滑難上帳賦

葉凋行屐沒滾溜不堪登况乃新經雨其如滑甚冰
看吾初地客信爾此山僧仰羨高飛翼逍遙最上層

其二

楓落巖屋滑僧言的未知名山恐無分君子戎乘危
一宿還虛事重來豈後期捨身云亦惑寧受甬曹欺

朴淵

石嘴成凹瀉急湍淙淙珠沫亂跳盤喧中有寂觀心
可幻處隨空信目難山雨忽來垂直雷谷風長自滿
虛欄令人却欲思朱甕客到深秋叵耐寒

其二

空谷鳴騾去莫催泛槎亭畔更徘徊不由吹笛橫西
踏辛苦千山為此來

其三

大早今年水脉乾崩濤較却異時殘僧言六月千山
雨破碎乾坤是壯觀

其四

萬壑飛流走碧巖辟光長逗四時寒邨田捲入吾山
裡隨日炎天卧起者

自朴淵出金川終日行山谷中七十里

朝來觀瀑日移申自此山多恐懼頻從數一川凡幾
渡去穿窺峽更千辛跳沙跡大纒經席伐木聲涑不
見人暝氣着林踏黑厓僮疲馬轉相親

其二

信隨流水出山勢互千盤樓破蒼苔滑筇鳴赤葉乾
林扉晴更翳峽日晚猶寒却笑窓蜂鑽那知世界寬

其三

野人程不慣殊覺此行難棧斷仍撐石溪窮又立山
今來從地底昨宿在雲端只自忙中過浮生苦未閒
出谷口到金川舊邑得來字

一水西南去相隨盡日來正愁厓徑窄翻喜洞門開
暖入天光變遙生野勢迴人家如隔岫鞍馬意爭催
又得濱字

逶迤涑谷去終夕在溪濱最薄生偷眼驚逢捕獫人

過燕水亭

幽思殊不愜見此意如何冷嵌山翠積空僻水明多
造化應加意彎回故結窩朴淵來盡處更住一餘波

宿水門店

出林天色豁方自慰寒愁一水將分尾千山欲盡頭
衣中隨薄月煙火出平疇漸覺家鄉遠經行已六州

豬灘

啾啾沙鶴此江邊小醜猖狂甲子年日夜灘聲鳴不
盡嗚呼烈士朴豐川

望太白山城

曉渡豬灘水天明太白城誰知防禦策要在得人情
平山南川坪

蕭蕭征寒日繁霜滿野田山荒多可馱馬急或如眠
敗葦徐行鶴枯蓬猛立鷗遠省臨水驛柵葉正黃邊
遇獵夫

何却臂鷄者鬢角連鬚鬢瘦犬蘆中出鷺鶉落我前
店舍曉起口占

向晨猶軟到殊覺我行勞塢遠鷄群細槽虛馬影高
厨星聞熟飯場月打團糕非是憐羈旅閑渠火價饗
葱秀

曠宿千山一水湄客愁和夢取逢逢此間若放清猿
叫恰似巴人度峽時

其二
松石難逢可意山西行三日此開顏朱君也是多奇
癖故幻鬚眉寓僻間

其三
黯蒼羣岫晦僻色便驚呼更度一溪曲如觀三峡圖
啄苔晴坐雀飛木晝懸龜自此天西去它山定有無
其四

千峰開合沓一水暫迴停日翳林光黛溪虛石氣青

陰嶽恒雨雪古薄有精靈適此諧為賞吾將宿翠屏
題朱學士之蕃刻像
太史神遊若箇峰石間長活七分容山前慣送西遊
客曾見閒人孰似儂

其二

無生無滅此崩身與石緣深化石人日食雲霞千歲
坐惟應瞑目數微塵

葱秀館感吟

悲歌一曲憶山樵那見江南舊使臣如今不住同文
夢華館空教宿滿人

玉溜泉

靈液生陰竇知應吐玉華已名天使筆堪試道人茶
冷逗清秋石殘餘落日霞病夫緣一吸長羨隔磻家

鳳山道中

去去羈思鬱未舒茲州土俗又何如野荒風猛雕盤
外園淨梨枯蟻食餘田戶笠籬皆白苧郡人衣襪半
黃泥鄉閭賀賀吾安咎終歲冠童不讀書

其二

忽忽長途歲色催異鄉懷抱向誰開川梁月八來魚
小閤塞秋深去鴈哀村子病黃生土氣野人貌赤上

風埃經山歷水多新眼隨日吾行且遠來

其三

馬上時時倦睡頻雲陰風色適疲神
繇遺落絮縈枯
殼石食浮泡起細鱗山下善謳騎犢子
蘆中窺影射
鳧人舊聞邑俗常驅客莫向邨家被苦嗔

觀獵

立馬荒山側天空鳥影稀弓槍猜日冷
毛羽得秋肥
膺睨平蕪盡人呼亂木圍出林頭勢猛
雉兔甫安歸

又得來字

東叫西鷹打一回爭時快阜放繚來空山射獵猶閒

事平世誰知愛武才

踰銅僊嶺

山木蒼蒼谷靄續銅仙不見但傷神
放他胡馬如平地可謂當時我有人

其二

西北要衝一嶺橫胡為咄咄老書生
不如去買山舖飯今日須行百里程

過瑞興映波樓

獨到樓前野稍寬頑山皆屬瑞興官
數株楊柳偏臨水時遣行人上赤欄

路中記見

晚過官橋市煙霜尚未晞
冰醃菘白嫩土孕地黃肥
落盡吹蒿葉寒鱗隱石衣
看看憐物態歲晏欲何歸

其二

閭閻省邑大稻黍識年豐
靄黑生林木星青在野中
方言隨地異店俗接人同
游子多心緒蕭蕭向北風

宿劍水店

經行初地踏多叉煙火遙遙日漸斜
只信老驢尋宿次柳墻南畔茅三家

舍人巖店喫松餅戲吟

市姬無端作好顏松糕白白色堪餐
從前過客多癩子何似吾鄉月餅團

店後山石怪醜

累石背方削重重似疊甃故應羞醜貌
蒼蘚掩其顛舍人巖

突兀巖峰睨立斜分明欲壓店人家
傷青乍著枯葦色敗素渾噓灰木華
向夕偏宜啣落景侵晨猶自宿殘霞
祇教永住山門鎮闕外胡酋甬豈遮

出銅仙闕望黃州

直墜來闕外郊垆目欲清遠村明水
八晴郭細岑生

信馬成詩句從人問地名朱干微閃影知是近兵營

黃州邑內

橋頭萬州起青煙迤晚山川意悄然孤鶴一聲秋水
郭亂鷗千點夕陽田樓臺近北邊愁入天地為西隴
色牽閒道官家閒日少荻花沫處閣厨船

月波樓

野望蒼然立馬時朱萸粉堞迥逶迤夜來月出清湖
水去覓樓名却在斯

其二

會事黃昏來水頭仰看明月急登樓不分倒住魚鱗

屋月欲來時宛在洲

其三

空明水戶向江開水影樓陰映帶回是處須尋真箇
月女垣西角夜深來

邑店夜吟

野外殊悒悒八市聽牢騷邑下閭閻富城中子身豪
寒青天色迥微黑塞陰高可愛陂塘月朦朧隱西舸

戲店主人

物情同店主顏色向人勤生理常依客忙心孰似君
數錢爭細瑣溫酒作慇懃為我催晨秣西京百里云

早行

恍惚踰阡陌西州約畧同
橋梁知吏政稼穡見民風
防宿常嗔客勤生最愛僮
縱知回革易羈旅奈吾窮

過長坂

野眺人煙小天寒獵戶稀
川原來忽忽墟落望依依
泥鬻頻粘襪風勁欲暈衣
蒼然關塞意薄薄剩斜暉

中和道中

蘆花漠漠雪交紛雜沓黃泥漲
夕氛郡邑經來千里
近乾坤自此兩西分
雲霾雉堞依依見風掣廬令遠
遠聞祗信長林三舍隔
渡時湖色未應曛

長林

烟霜惻惻忽中襟
野日荒荒朔氣陰
度盡黃州長坂
去映江生色刺榆林

望涇江

自渡臨津後清江始眼前
心魂飛欲越薄暝古朝鮮
永濟橋

慣送情人去夕陽折花臨水意
何長應知四月橋南路
草綠鶯啼只斷腸

渡江二絕

千年箕子國徃事鳥飛空
無限斜陽色殘山剩水中

其二

酷愛江南畫江南者未曾華人應慰藉強道勝金陵

練光亭

若箇平鋪匹練長殘鷓刺鴨漾湖光分明遠恨生春
草容易閒愁住夕陽十二欄前人媚嫵三千歲後客
彷徨深盃滿引甘紅露數日還忘滯異鄉

其二

山光水色黯然長是處如何不斫腸爭使画眉生活
去夜深檀板惱兒娘

其三

詩人老去尚風流堪着湖邊百尺樓欲待黃昏江有
月美人携上木蘭舟

內城雜詠

輕紅煖翠好山川便可消閒了百年楊柳樓臺纖月
下芙蓉簾幙小風前習薰歌舞多生戀較量煙花此
地偏未必更要荷桂水幾人西去不情牽

其二

故國聲塵沒處賒滿城人物尚繁華画菑山水三千
歲烟雨閣閣二萬家別淚臨亭爭柳色纖歌出浦盡
菱花老夫忽住風流事醉後詩篇亦足誇

其三

風光爭似舊金陵都會西京合盛補鸚鵡一瘦平壤
尹驂騑三百大同丞墨分板閣成鱗次譙壓江城出
角稜且置興亡千古事今宵去宿酒家燈

其四

千年不宿軟紅塵萬井樓台壓浪濱
綉簇揭邊看画子葦簾垂處說書人
缸筒趁日行擔水牛馬乘朝立
載薪閭巷故多箕聖裔詎宜通者住平民

其五

江城紆曲勢層層霽後登臨恨不勝
浮碧樓前秋草

客永明寺外夕陽僧西人好怪麟何覩東史傳疑石
莫徵可是言鞿無近遠晚來清興尚飛騰

其六

城門洞啓肅煙亂熱開千家市語聞
攔道小兒瓜子襪出江游女茜花裙
湖山惋惻悲騷客日月光華憶
聖君故事悠悠那可問任它浦口宿殘雲

其七

老子生涯惜暮年五民籬落望堪憐
北京繡采通關近西海魚鮮入市先
楊柳酒醒風惻惻藕花歌斷月
娟娟何須去住三公貴卧此江山便是僊

其八

事去千霜地獨傳檀箕古邑是朝鮮曉山欲醉將猜
旭春水如眠不耐烟巫女婆婆花嫋嫋王孫寂寞草
年年從來此地多離恨遠客何情亦黯然

其九

老去無心錦瑟筵滄浪興逸釣魚船平蕪百里人來
外落照千山鳥去邊星次尾箕初畫濶海東天地更
無圓閒來獨上層城望久客煩襟乍曠然

其十

若箇江山似鏡中韶光不逐暮潮空水邊歌哭多心

女市上招搖媚目童錦繡全窠風軟暖芙蓉古國月
朦朧人情久染鉉華習埋沒西方幾箇雄

大同門樓

樓下樓前四望同夕陽浮水更玲瓏愁來莫問前塵
事大地山河一切空

其二

青山如夢水如烟婉弱風流粉黛前衰旺信非閑地
理檀君箕子各千年

箕尹金時可邀余夜飲戲賦以示

吾儁太拙一身謀千里西遊半是愁賴有故人為地

主綠尊紅燭更風流

其二

殘牙大嚼鐵爐傍
匡正青娥更洗觴
強欲從人供戲
笑丈夫金盡祗奚囊

其三

淋漓盃酒荷諸君
燈火官樓到夜分
措大風情還齟齬
白頭寧合醉紅裙

其四

夜冷罷能容散堂
背燈羅袂暗聞香
主人縱有留髡意
酒戒年來恐濫觴

外城雜詠

神君開國劇茫然
萋綠寒蕪只眼前
晴郭樓陰丹嶂
仄曉江潮信白鷗
先醉醒人老三分
夢今古天長一
抹煙匹馬西關來
已曠吾生虛自度
芳年

其二

佳麗江山歷永年
聖人相地豈無然
斜陽百里芙蓉
水細兩千家稻黍
田茶酒夜通城
北市魚鹽日八海
西船行看物態
饒生理編戶浮
民盡用錢

其三

合毬門外盡青昉
野趣依依稍息塵
剝水殘山如夢

國落花草有情人星辰下瞰低芒角宇宙中虛廣
輻輪行到箕宮千古處不看春麥已傷神

其四

日出素榆鳥雀喧樓台亦自媚晴暄空城水映蘼蕪
岸古廟烟沉薜荔垣數畝誰能分菜圃百年吾欲住
柴門繁華不獨為都國自是關西第一村

其五

微雪江田又一番郊垌尤曠獲餘痕濃收晚靄村烟
合寂照秋花野露繁佳色望山仍久立遠情臨水欲
無言如今置在湖南北隙地寧容里老園

其六

東南霽色映空濛野似碁枰水似弓豚柵半依湖堰
側人家多在井田中輕佻習氣元民性世窳生涯是
土風隨日雲烟無別態却嫌詩句揔雷同

其七

興亡三國覓無痕快事何如酒滿尊農圃不閑閒客
子閭閻渾任舊王孫黜生井甃莓苔古碧走城陰翹
麴昏回想雜花春暝節芳菲似勝洛陽村

其八

重城南出正陽門菘路菰籬盡菜園過客亦聞新尹

政屋民那解太師恩薰葭一色蒼蒼曉鷄鴨羣群鬧
開昏邂逅衣冠相識少倦遊誰愛老王孫

其九

野夫偏愛近湖門况又入烟滿眼驚鶴鶴秋聲楊柳
郭牛羊暮色西菴村柔索陌上非吾土芳草江南小
此園試問民風能似古當時八教已無存

其十

江臬迥接海雲平秋盡西南邑里清未信乾坤湖上
泛還疑日月野中生隍祠古木鴉翻黑陂水遙田鶴
立明時值邨翁成小憩桂茶菘麵住人情

涇江詞

終古寒江綠似羅人來人去渡無它年年合得相思
淚添住東風一段波

其二

樓臨江水水悄悄有女春來住底心不禁湖邊青草
色烟中欲淺雨中深

其三

無心還是有心流底遣愁儂上画舟唱新菱歌歡不
見斜陽只在水西樓

其四

艇子雙橈，輒輒催沙頭日。晚送君回，長江縱使，如衣帶那得同心百結來。

其五

馬八長林，草色萋青山欲暮。美人啼鴉，雙燕子無心緒。又逐楊花過水西。

愛蓮堂曲

露濕金壺夜欲闌，柳梢風動酒痕殘。畫艇初回歌妓去，獨留斜月在紅欄。

其二

綵閣東頭，月上圓蜻蜒搖曳。一雙扁纖，歌憇為情人。

別紅藕花前，更黯然。

其三

采采芙蓉，西復東。槳聲出，輒夜塘空。歸時欲插鴉青髻，別取花中并蒂紅。

其四

為是兒家，近浦邊。夜來催上采花船。輕橈莫蕩蓮根去，深愛鴉鳧兼底眠。

其五

花如濃頰，葉儂裾。便怕將濃去，比渠若道，此花能解語。喚儂應許十分如。

其六

榴裙敢惜濺微波只怕官人不怕它歌中別有含情
處縱欲投花隔水何

其七

緩舞初筵未解悲二更涼露下西池無端唱到江南
曲正是荷珠暗滴時

又次板上韻

五月蓮塘蓮葉多蓮花深處聞纖歌叮嚀綠藕休輕
折剗覆鴛鴦浴暖波

其二

橫塘女兒采花多慣唱吳儂子夜歌若信蓮絲能不
折為君縫韜去凌波

客懷

高閣清無寐終宵屢引盃幾人江上去孤雁月中來
水市昏燈亂山樓曉角哀行省秋已盡且恐驛梅開

其二

樊船難耐塞天霜遠者胡為淚水陽餓死元非君子
恥此行終不細商量

其三

大同江上去千里一芒屨况是秋冬際難為遠客懷

其四
駸駸江郭暮雲多
水宿霜鷗奈爾何
縱道羽毛如雪白
終緣飢啄耐風波

其五

極浦烟光遠
寒愁興不窮
詩名欺鬢白
酒力借顏紅
水國蘆花月
湖城木葉風
曉來江上夢
鳧鷖滿汀中
金君履 在貳衙出示詩軸求題一言書贈
一樣竊愁歲
暝時論交何用舊
相知男兒落拓休
凍歎窮後方能做好詩

贈妓梨花

生平花癖愛梨花
明月闌干近水家
自笑儂心梅共淡
春風那得吹香衙

其二

梨花怎得雪中開
凍蝶無端惹一回
自是愁儂春夢淺
枉教微雨濕簾來

其三

微我無心戀翠眉
蒼蒼其奈鬢如絲
黃昏十字街頭月
醉扶青娥已少時

其四

佳人淺笑向深更
熨斗愁眉舊皺平
燈前別去生惆

帳本自無情便有情

其五

老眼看花不耐春翁今與汝本無因兒家也有酸梅
水好去尋它病渴人

其六

世態看者百戲場頑皮誰免醉僧在寒蟬枯木都無
意更嚼梨花莫折腸

箕城記見

娟娟江月畫船西淺綠羣山髻樣低只管春來樓上
女迎郎却笑送郎啼

浮碧樓

其二

病子衣裳不怕寒涉江初意采花餐還愁十月非芳
節邂逅峰名喚牧丹

牧丹峰

其三

跨江拂水立崔嵬陰壑松杉迥引來坐想江南煙雨
處石頭城畔鬱孤臺

乙密臺

其四

凡人眼慣說尋常妙韻誰拈境外光別是春江明月
下畫船歌笛泛中央

清流僻

其五

張望仙驂不見君空留靈窟蓋麟云不妨補八搜神
記萬古吾東廣異聞

麒麟窟

其六

清秋湖寺泛湖邊夜夜鍾拜落盡船浮碧樓心千古
月未應金佛了情緣

永明寺

其七

古事傳訛語遂真陞皇何必駕麒麟宜將一片江中
石付與齊諧志怪人

朝天石

其八

百幅羅紋展似茵漁家樹影繡添新春來湏上多遊

女去采蘿蕪向遠人

綾羅島

其九

過墓如瞻白馬賓至今冠帶是誰民年年使者山前
路愧我東方此聖人

其十

錦繡峰前茂麓西當時負土萬民啼至今松栢含靈
肅烏鵲年年不敢棲

其十一

箕子墓

翼然高壘壓邊塵控制山川領十分一道無行觀察
使諸營皆屬大將軍長江落日旌旗見永夜嚴霜鼓

角聞莫謂郊城無障蔽向來誰獲盪倭勳 將臺

其十二

無數新阡又舊阡軟莎埋得幾嬋娟春山一抹臙脂
月夜夜紅樓似去年

其十三

香塵寂寞瘞花多冷蝶殘鶯替舞歌但見山前無隙
地城中又老幾青娥

嬋娟洞

其十四

憐角為情死恣何空山不復喚鶯哥芳魂定化雙蝴蝶
飛繞春風古塚花

鸚鵡塚

其十五

全局山川鏡面來闕雲亭北更高培東邊隱見平湖
色別住明沙半月堆

快哉亭

其十六

簫鼓秋風嫋嫋裏中男女賽神來橫江上下多拋
飯薄暝城鷓受食回

神堂

其十七

朱雀門南是外城崇堤九疊半夷平但恐千年湖水
蓄聖人於此別經營

其十八

巴字江園野色長四民叢藂各園場如過百城烟水
去不知何處是錢塘

其十九

繚繞低山淺染藍眼隨空色欲微嵐夕陽無事尋碑
去煙水行時野廟南

其二十

仁賢遺跡野蒼蒼原有樞林濕有素又是寶通門一
角二千灰劫獨靈光

外城

其二十一

斯民同井昔何年王道猶存野草邊生得東方吾且

幸在今天下見周田

其二十二

誰開阡陌教爭民井廢公私寢不均緬憶殷師區畫
意千秋猶望緒周人

其二十三

初來少試聖人功非為能行以國中幸有神州王者
住分明取瀉獨吾東

井田

其二十四

青青者麥是誰歌依舊山河客又過當日八條無覓
處可知東史闕文多

箕子宮

其二十五

井跡依然跡已陳堂名猶像父師仁那將聖法行天下更使蒼生食不貧

九疇門

其二十六

冽彼靈泉便惻余愁苔幽綠湛光虛一嘗非欲靈喉渴為是仁人口澤餘

其二十七

當時汲用憶明王井索垂垂丈六強泉脉自來無旱澇瞰虛疑若有神光

箕子井

其二十八

肅肅朱宮祭聖人槐陰宛想古檀春明神允住東方祖萬世蘋筐走士民

檀君廟

其二十九

舊湖無水盡為田舖閣芳塵已百年每到新秋涼月夜亂蛙如哭草如煙

教坊舊墟

其三十

浸綠萑蒲漾日華鷓鴣鷓滿晴沙夕陽堪曬漁人網不獨江娥夜浣紗

狸巖

其三十一

游絲空颺水無端歷亂入家暖翠間漠漠浦田飛去

鷺夕陽灣口萬重山

武烈祠畫像

石尚書星李
提督如栢

上國衣冠望可欽東人受賜到于今英雄戰伐山河
在文武丹青日月深天地神宗皇帝德畫圖宣
祖大王心腐儒謬起風泉感不識何情繞壁吟

謁仁賢書院

創設存精義師之不以王我東夷俗變天下聖功長
俎豆應歆格丹青似渺茫曷哉西土士斯院亦殷庠
洪範圖

天下公心去住賓九疇曾向武王陳莫把周書疑汝

事太師終是一般人

蓮臺月曲

妾心如月盈君心如月缺盈缺固其常但使心腸絕
客中過生日書此遣懷

忽值吾初度今年又路歧離家月已盡對酒情難為
衆稚能知日雙親倍念兒淒然驚歲色強半月中衰
雪後登快哉亭

老子猜寒不可風掩門多日廢詩工西人最道登樓
快平遠江山淺雪中

關西記事

赤墮南東上上田才耜一日直金千富戶那能多有
此從他產業使青錢

其二

無冬無夏舞紛紛野廟蛛絲日欲曛一段巫風微有
處聖人微意忍忘殷

其三

羅衣裝束渾千金繡法差寬漢女針使汝欲生腰樣
細緊將帟帶繫當心

其四

郡閣窓簾夜不開池塘濕草氣薰來紅欄四角輕紗

帳日暮蚊拜起似雷

其五

少年冠劍事游閒盡日踉蹌市路間一擲千金都不
惜風流爭自買青鬟

其六

十指纖纖倚市娘教兒那必刺鴛鴦不嫌僮父稠麻
面但道金多是豔郎

其七

喝道行塵擁似雲閑門絡繹報牌文官人盡記連錢
馬緩繫腰間白絹帟

其八

浮碧樓中夜讌頻
西州刺史坐文茵
上水厨船將碟
子二更來喚打魚人

其九

東方有國以權輿
那見淳風積劫餘
大府由來多黠
吏尋常塗抹弄文書

其十

大同門前日出時
大同江上汲水兒
瓦罐并安斜背
架一雙交繫轆轤絲

其十一

閑西俠少氣豪雄
七尺身材又善弓
不向蘆田射鳧
鴈一生頑耍酒樓中

其十二

官娥背面罵官癡
忍笑離筵強掩眉
紅巾暗拭非真
淚正是蘭膏抹眼時

其十三

送客臨江若為愁
平明齊出大同樓
情知冷眼無憎
愛角淚如何副急流

其十四

擬上官樓繫綵絢
黃昏門子隔簾呼
新粧笑問當頭

媼急畫眉淺粉無

其十五

旗牌門校揔呼官衙退晨朝做一團紅毛辯子青氈笠醉上哨樓意氣看

其十六

港口春風柳絮飛今朝船發幾旬歸商人自是輕離別下水時多上水稀

其十七

繞郭人家種刺榆箕鄉遺愛未全無怪他裏俗尊卑混吏隸奚分士大夫

其十八

遊民衣馬競翩翩爛用官家子貨錢市上許多留賺手鬻他閭里富人權

其十九

機利茲鄉物物豐斥時翻手致金銅人情底箇羞人役百戶元無畜一僮

其二十

千家冷麪味爭誇和得菘醃雪水葶到口不堪牙上下西人冬月飲如茶

鸚鵡謠十絕口

織手女手巧十五能彈瑟中曲鳳凰飛為誰恒置膝
其二

鴛鴦生不識繡出便瘦成十六游江上結歡焦仲卿
其三

妾有香鞵囊絲絲紉百結墻東賣餅兒每趁黃昏月
其四

出江采蘼蕪終朝不一角非無姣子都奈角恩情篤
其五

翩翩綠蝴蝶踰我桃花墻不惜花如霰春風為底忙
其六

少年贈我錦色色榴花鮮新紅縱可愛不如舊紅蕙
其七

強與舊歡別今宵毋近床門前繫白騎畏此西家郎
其八

君家望阿那茹蘆東門阪日日上青樓所思曾不遠
其九

采綠寘周行故人不在此妾心如皎霜從當為情死
其十

願葬嬋娟洞甘為俠骨塵千年也在後一見有心人
欲見竒香山不果悵然賦之

涉月江閑滯宿痾看山一計轉蹉跎人生漸老期難
再天下無窮債已多却悔西方叅佛誓謾吟東海壑
仙歌既來千里還如此縱到花時奈遠何

又欲往降仙樓為十日穿霧所阻

聞道高樓日降仙霧中空結新腸緣不是三山天上
在海風何事巧吹船

其二

佳約巫山久見欺朝雲暮雨美多時嬋娟十二峰頭
月真箇神娥入夢遲

歸時大同丞權穉章得而字贈行遂和

吾窮未若樂貧而去見原顏足有辭千里西遊何所
得單衣羸被北風吹

其二

朔風吹雪滿邱陵淮海歸人飯曉燈更進紅醪忘遠
後殷勤只有大同丞

上馬時穉章又賦觀字促和又呼韻

吾行幾日到長安箕子江山已盡觀此別那堪臨歲
暝門前一步一回看

贈送金生處恒

井田籬落間素麻豚柵鷄埒巷路斜去後江山應入

夢舍隸門外是君家

官僮金琮固乞一詩書贈

官僮非獨有唯爾最多情後日香山路應須老眼明

和黃生載貞送行韻

香山不見又巫山爭奈行人歲暝還珍重許君西道

主前期知在畫樓間黃君有降仙樓做主之語故云云

留別閔君子建

共為千里窘窮道兩知淅忽渡寒江去何如送者心

還渡大同江悵賦二絕

夕陽悵悵下樓臺江上青山屬一杯好在牧丹峰下

水落花芳草更西來

其二

如此江山畫閣前金盃合喚美人傳怪它詩句風心
在太半奚囊贈妓篇

再宿黃州邑店

白石山中我有廬瘦親幾日倚門閣羸驂似解歸人
意過得黃州百里餘

路中口占

短褐疲驢故倦遊行行為是散
齒憂西風半月關河
道赤埴黃壚十一州

青石洞

丙子天無奈誰能扼此閑間容綬一路旁東盡千山
將相何籌策算于好往還腐儒來已後長歎也都閒

登滿月臺

銅視鐵狗草中顏此是前朝滿月台五百年前多少
事半邊松岳兩拜來

其二

問儂無甚意閑上宿蕪原只怕黃昏近那能不斷魂

其三

莫仕無端愁輕添淚一菊古今天下中安有不亡國

過南門

市井樓臺夾萬街問闍子弟賈人多女牆重甍還依
舊半是前朝宰相家

謁崧陽書院

遺廟丹青却舊屋王家冠服典刑餘無窮日月三韓
國圃隱先生定自如

善竹橋

忠臣嘔血死無疑 聖祖分明殺不為未信長弘真
化碧古書宜闕武成辭

其二

湘江舊說尚傳疑竹上斑痕淚豈然獨有
御書碑
萬世先生果死此橋邊

松京懷古

松風吹不已秋晚客初來古國青山在荒城老木哀
欲臨流水坐還與暝禽回前市多沽酒須從飲百杯

其二

晚向南門去依然舊市朝殘烟蘿菑洞細雨縹駝橋
未忍省秋草无由倚夕蕉古來亡國地何處不蕭然

又題二絕

芳草那知是舜治春風應復逐年來御溝花落流何

去燕子斜陽掠水迴

其二

行人不折野花枝日暮愁腸欲斷時真娘寶靨埋何
處初月南樓似細眉

宿趙教官

有善家書贈

薄祿何堪濟一身百年吾道任長貧閒居教授猶為
政鄉塾英才問幾人

其二

茅廬果圓足安身依舊蘿山處士負讀書真覺英雄
事愧此棲棲失路人

花石亭

突兀翠微內，冥濛江雨天。蜘蛛疏網戶，蝙蝠亂飛椽。
來晚悲游子，思長望昔賢。雲霞無定影，虛閣自年年。
亭前有八檜，甚高大。云是栗翁手植。

八檜崢嶸，肅立庭先。賢手植也。多情清秋，盡吸雲霞。
氣薄暝哀，生鶴鶴拜。孔明廟栢，為人愛。王氏堂槐，較
孰榮。信有蟠根無曲處，歲寒尤見本心貞。

元明宅得灰字

那使堪雉索，不嫌跼蹐迴。名心都已盡，相視畫爐灰。

宿仁瑞齋直所遇雪吟示

霏霏朝雪滿溪多，郭外歸人去奈何。憐有微官難一
醉，強將瓶水試清茶。

用雪水煎薑茶又得一律

雪水宜茶事，哀公已賞清。能令和蜜淡，貴在取花成。
乍沸調音住，方濃蟹眼生。銅瓶時點滴，一啜也身輕。
夜與仁瑞往石郊金仲一敬，淳宅飲酒共賦。

飯罷溪西去，君家曖曖出烟華。初飲夕天氣尚如秋，
少醉還無約，遲回遂往遊。不愁林遙黑，池木夜星流。
會飲李汝玉孫宅呼星字共賦。

到君江上宅，木末已昏星。薄酒何嫌白，寒燈更喜青。

年裏知氣倦夜寂見心靈感此多新釀留人任醉醒

趙相國挽

代人作

相國平生我敢知滿腔熱血祇憂時前年痛哭雲亭
夜衆或傳聞獨見之

其二

楊柳青門向夕過蒸炎斗屋小山阿此身不復勞公
夢從此公來我夢多

其三

衷言殿陛復誰陳去就分明是大臣 聖主為成終
始節青山今日堊完人

具君公綏

履遠

與其弟八砥平悵吟二律贈行

夙昔歸山計徒然送子行江寒難水宿花發政春耕
舊墅元無業何鄉不着生莫云稀識面漸次熟人情

其二

結鄰餘十載相望小邱阿學圃非長策憂時足短歌
離情當老弱舊病識貧多空復臨春水其如去者何

南岳金振叔家滯雨拈簡齋韻

己酉

到稀城郭路還迷憐子長貧守舊棲粥飯閑心猶自
適文章有眼不能低久雨渾忘三伏暑遠人仍滯一
旬泥殷勤且許今宵宿菜甲黃昏摘小畦

又拈劍南韻二首

半世虛拋志氣雄文章咄咄使人窮十年書史青山
下六月茅茨大雨中數去光陰身欲老過來天地事
皆空東林小筭歸應得漢水方生一帆風

其二

貧厨烟氣揀厨生况乃三旬若不晴遠客聞來松下
齏故人飢卧雨中城向平未忍終遺世李廣非緣拙
用兵小摘青苽留日夕巷門泥垢不堪行

石院會話呼韻共賦

良宵無得友携上泛湖船正滿芳洲月新晴孟夏天

歡娛須老境邂逅盡同年大醉停盃問何如李謫仙

青城宅拈剡川韻

偃息終南下浮名也不閑閉門消白日移宅近青山
遠意黃唐上高文漢魏間獨有維揚客論心每往還

東園小集

數日承良晤茲行也不虛情深增暮大度曠置慵踈
老顏羞看鏡彊年悔讀書自知吾道拙負士且安如

其二

隨日談諧結夜遊流光况又歲寒頭伊入所謂蕪葭
夕良士無荒蟋蟀秋今雨細來留客席別峰多入讀

書樓衰年縱戒盃觴濫興到連斟可自由

其三

燈前演住李園遊今古英雄白盡頭哭不失明何似
夏奕猶賢已且從秋主人道氣應藏史太守詩情政
倚樓司業酒錢囊苦澁杖頭多少掛何由

又置虛字以述郊寺遇雨未會之意

昨理東林屐經宵想已虛銜泥方滑滑天雨奈踈踈
故枉尋僧約徒煩喚友書君家山亦靜恰好話真如

次舍弟拈唐詩韻

無人相過訪吾邨省籙焚香自掩門世事紛紛那可

問但將懷抱咏黃昏

其二

雪後群山似鏡中幽人不寐五更風道書架上無詩
卷今古文章恨不同

又拈唐韻共賦

殘燈無焰影高低不耐寒愁書整齊簞食陋巷元豈
分長歌一曲曲欄西

其二

世上名利何等入吾屋吾處養吾真有時詞客來相
訪不換三公樂此身

贈果隱

孤笑翩然解紱還幾年相對兩衰顏海山氣力君猶健木石形骸我亦頑几內詩書仍靜坐眼中天地已低眉羸知此著真豪事了得人生一世間

悼亡兒兄弟

何思何念新寬腔注目移時視帝窓蕉葉硯枯如見腕菊花庭寂似聞雙素鳩七子今無一梧鳳孤雛祇有殘會使若曹成項領父書能讀我心降

其二

不百人生所樂何支離滄淚半消磨有時輒發山中

嘯無故頻為市上歌二白鬢毛渠較短三青素海我經多信知大點西方傑空字粘來住一窠

其三

連年憂憾苦相仍匪石人心易失恒明不喪爺賢子夏莖能依祖勝延陵窮通信命思前哲哀樂忘情學上乘強抱稚孫時獸語老身餘日更誰憑

其四

凡人禍福理茫然今古誰能解帝懸真箇鳳麟非瑞物假如豚犬或長年閻王好是招賢鬼彭祖何堪哭夔仙漸覺此身無地活願教還我未生天

其五

彭殤縱諉命難齊有死吾生理實迷世上警緣今父
子地中嘉會故夫妻鳳凰巢覆餘復卵騏驥槽虛失
四蹄已矣仰天長太息但將衰質合孤棲

其六

日久忘憂或有時見渠年輩輒生思窮人若不為其
父惡鬼焉能殺此兒周夢已隨蝴蝶化楚歌空和鳳
凰韓公大筆今難得誰使元賓後世知

其七

梧竹門庭養鵠鷲一憂曾不在飢寒文章蘓氏居三

大材器陳家此二難驥策方期千里聘鵬圖竟闕九
霄搏無端并送荒山去虛廓秋天可忍看

其八

秋懷萬緒觸處增縱欲忘渠自未能忽有痛痒狂阮
籍胡然長嘯怪孫登身憂無際茫如海家事多端亂
似繩百爾思來思莫奈側身還復枕枯藤

其九

慟哭秋山暮新阡草宿遠有才終委地為善久無天
大覺安如佛長生不欲仙逢人多醜面徃徃見他憐
甲子冬青城老友就養在陰城衙

一件又以二律寄贈其意甚勤厚矣感歎之餘
情不能已遂和呈其韻庸摠鄙懷

窮鱗斗水幸霑乾卒歲完袍罷劣殘偏負肯迎朝日
曝周防不八朔風寒垢衫去體當新沐陋室生光表
舊歡重思况勤無屨韞賤身從此齒衣冠

其二

衣香什襲墨題乾消息梅花向歲殘隔水伊人如宛
在無裳之子免單寒縫舍德意重三歎敝破愁顏恰
一歡擬向東家新著坐更將癡念笑彈冠

其三

披函試拂雪華乾侈我衰軀七尺殘病友真情青眼
煖窮儒本色白衣寒妻兒有鬼應知感巷里無人不
致歡舉止足叅三老席莊嚴博帶又峨冠

其四

新去猿腸淚已乾悲時有幾此生殘委床謾學宗君
卧發筭渾忘范叔寒仁者用心隨物變賢兒養志盡
人歡鄉鄰遇著誇鮮好无數真情服又冠

其五

故如脫濕新如乾穩裹形骸土木殘民自月前皆彼
隩士於天下幾吾寒課孫好去書家借隨客容叅酒

社歡笑殺隣翁稱善舞婆娑野笠日奚冠

其六

絺絺淒風吹不乾賴公聊送此年殘鶴臞全食葢苔
古松老偏衣薜荔寒獨有使君敦宿好相將婦女仕
新歡見今服色誰天下自幸吾東尚帶冠

其七

娟娟秋露木花乾織去縫來縷縷殘表出文章宜老
大通行上下適貧寒一鄉祭酒風儀別百結先生眷
屬歡多少煖窠衣繡子郎當何異沐猴冠

其八

弊緼龍鍾鼻涕乾須入服食愧疲殘催成官燭侵晨
熨急送山齋近臘寒野甚無文時態笑貧為易德物
情歡身裝得此鮮衣色取次頭邊撮弊冠

其九

晚圃行須野露乾草中猶自惜霜殘云輕繡襖寒加
煖較重荷裳好却寒苟匪情人勞遠念那令病子結
凍歡省來不慣兒童眼無怪驚猴欲裂冠

其十

披如花絮照眸乾起色秋風病骨殘無若子之安且
燠適於吾者儉而寒卑同襪襠農談善貴儼袈裟佛

眼歡衰晚始知執袴煖百年身事誤儒冠

其十一

秋陽幾曝粉霞乾練搗官娥抵曉殘薄養恒憐餘日
暮深知匪謂此天寒著依僧樣元相稱裁得鰥心竊
所歡恐有洛生唾野態誰知章甫宋人冠

其十二

窮山槁褐蠹魚乾強向梅前乞命殘錦繡池台爭耐
熱芭蕉身世不禁寒立於狐貉今何恥貽若瓊瑤衆
所歡欲振華陽千仞錚更期春服浴童冠

末句
及之

其十三

喫著多生閱滂乾苦貽公累到形殘今人邊幅徒修
窘太守經綸另庇寒行出屢豪鄉里賀優遊剩得歲
時歡稚孫喜問衣何樣競挽霜鬢故墮冠

其十四

燈前熨斗貼平乾人發衙門曙角殘幸使此身翻脫
溼遙憐女手屢呵寒補猴恠樣從它笑席豹奇文隱
自歡復恐猖披加以帶科頭從索舊緇冠

其十五

世味齒酸似決乾支離一保轉瘡殘蕪葭遠水人來

夕蹙碎虛堂歲八寒野父身章母或僭山家法服合
為歡彼其不衷吾知免君子平生戒鷗冠

其十六

星火飛書墨未乾豈徒安否問羸殘可令東帶迎賓
客饒得通襟識暖寒子義何居於友篤我心先獲及
人歡他時縱使饒表帛亭長寧忘故竹冠

其十七

永夜懷君睡睫乾年先忽忽屬冬殘形非鳥數焉生
斃身學龍蛇以蟄寒古道如周斯可受棄心有得者
猶歡居然坐大村夫子每日脩容且整冠

其十八

醜顏爭唾屎擻乾公惟不棄獨憐殘平生志不思輕
煖老去身尤畏小寒既以中心何以報取非其義亦
非歡尋常洞窟驚新態久矣幽居廢擲冠

其十九

庭樹今朝鵲噪乾官人帶到夕暉殘十分觀美行州
里四出隨宜戒暑寒學究儒儀吾亦歎倡優帝服角
何歡惟茲可貴無差別世變休論倒屣冠

其二十

酒肉朱門避溼乾曳裙曾不丐餘殘從人揭厲知疎

淺在我行休視燠寒引頷多時勞遠望開衿幾日整
深歡堪憐壯志終軍老謾把長纓負弱冠

又次遐字二十疊

開函三復屢咨嗟至性於吾不棄遐藥裹常閑從易
廢酒逋多積漸難賒名衰草木渠同腐歲晏衣裳孰
使華書到倍應憐病狀數行強半字橫斜

其二

如聞如覩病鰥嗟耳目誰云子邑遐白木應煩全匹
費黃金可直幾斤賒饒加錦聚非其實劣比蘿衣不
亦華野老燕居宜此製細心尤見對縫斜

其三

敝予又改為予嗟蓋取諸身則不遐幅有東西三合
尺尺無長短半分賒應教吉日裁黃道未迨嚴霜搥
素華珍重欲除閒出八巷泥翻恐濺斜斜

其四

巧手官燈辨吐嗟分明見得此人遐聯瓊夾幅針工
細歷幾由旬諾價賒前日書中來信息暮年身上獲
光華狂吟醉舞掄長袂傲兀寒空睥睨斜

其五

人情堪極絀之嗟此服奚來子在遐寬博稱名堪襯

著裁量合度不差賒自通來往羸屐醜乃出威儀透
歸華四面周遮誠美制肯愁窓隙透風斜

其六

豈曰無衣子曰嗟來評信宿道云遐交襟可舉三隅
反去地縫容一寸賒東士不完嫌且侈西人何絮惡
夫華上堂加着斑爛舞樂此素榆晚景斜

其七

凡衣恥惡志堪嗟彼士明知向道遐隸服摺裙全去
積禪衫曳袂半除賒斯為儉也吾從衆不曰寒乎汝
與華奚啻登音空谷喜披省仔細照燈斜

其八

入室相將婦子嗟省省歲色改無遐橫縱綴了旁皆
阻前後襜如喬不賒通用燕衣尤近褻畧似襜袂孰
為華澹江急雨噴挨破禁却漁簑上背斜

其九

牛馬衿裾亦可嗟人違禽獸豈其遐褻無見裡圍腰
遍裒且通中納體賒賤者無傷生野態老夫何戀仕
芴華仰人被服還堪笑坐對寒山注目斜

其十

一身光着掩門嗟冬月筇屨隔通遐故詛敢云覆樹

倚此息難以繡絲賒鄉人上服斯為盛小相端衣詎
獨華欲待晴暄誇北巷長竿掛到夕陽斜

其十一

今吾愛賜也非嗟戀戀深情見及遐莫卧指臂猶恐
鄒易穿鬆肘豈妨賒故人憐我歌黃襖令子承親頌
白華領取寒天持贈意欲酬其奈暮暉斜

其十二

服之無歎又奚嗟引領今朝想便遊將遊某水精神
發欲往何邨眺望賒老態故應增偃蹇賤軀曾不習
妍華空山皓袂癯如鶴顧笑殘陽立影斜

其十三

授衣節過寤言嗟多意新袍寄自遐少礙爬痒休患
綻善藏身垢不嫌賒貧生未合輕純煖常着無如吉
貝華折疊紋成三字樣重重袂角又包斜

其十四

寒者無衣衆所嗟人情大抵不相遐明知繼纓單裳
盡肯憚水霜遠道賒混狎漁樵安處汚別裁刀尺貴
祛華梳頭冪冪掩麤布或恐煙煤點染斜

其十五

殘年百悔起重嗟少不謀身慮不遐幾劫澆素心血

渴半生書劍鬢毛賒空沾短褐風霜淚曷補垂裳黼
黻華依分茲衣早自牧牛羊歸踏草中斜

其十六

枯落窮廬何及嗟匪緣初服與時遊謾歲龍席風雲
隔未遇神仙日月賒弱體周旋存暝氣殘骸宛轉向
春華扶策若木徒虛想仰眄庭柯到日斜

其十七

已矣吾衰祗永嗟素蓬幼服四方遊崑崙攝袂重雲
蔽渤海褰裳積雨賒曝曬以時從北阮逍遙卒歲學
南華身章愧負周行制卧見寒江斗轉斜

其十八

書空咄咄復嗟嗟窮道者無近與遐蝸角兩犄蠻氏
競羊腸九曲太行賒那令此俗回真素無恠允情尚
靡華已矣歸尋蘿薜被不須行泣踏歧斜

其十九

旁觀嘖嘖競稱嗟御若仙裳欲舉遐明著可令書塾
坐輕披敢向酒壚賒深夜近古非諧俗野服居閒不
讓華江村近報梅花發好去尋他一徑斜

其二十

念我中寒惻惻嗟君心照處信非遐彌縫大體渾無

罽毳包括全身，慙有賒出八士農，齊等分浮沉，閭里足豪華，衣名竊取周比義，細細針絲辨縮斜。

又賦二律謝陰城太守

荷君為政四窮先，衣我深恩挾纊然，線法剩教添子月，身章好遣侈庚年，鷄懸緊掩腰全隱，虱癢忙搔指乍纏，迦葉山名元屬佛，淡僧常服欲忝禪。是年即余回甲故額

聯云迦葉官家主山

其二

太守視吾亦老人，禦冬新服穩周身，稱於本分從昭儉，貺以中心甚見真，承意事親宜曰孝，察情推己不

其仁餘生一煖思，何報為着寒天示四鄰。

又賦謝陰城太守寄炒醬

餓者平生不食嗟，荷君珍饌所來遐，頻和淡粥時從縮，少佐麩殮月既賒，鹽豉本鹹資性味，椒薑末辣入精華，胡繩密網安全甌，重囑官僮戒側斜。

其二

貴似仙丹鍊鼎鑪，齋居每日食時須，口甘可悅嘖何在，胃弱能安噦輒無代糝，葵羹添膩滑包萬麥飯，濟蔬麩貧家異味難常得，方法要傳小婦厨。

雪後榴華屋小酌各賦

甬曹眉目秀梅下笑言清老顏慙先進高文畏後生
墻東容隱跡郭內息喧聲每到琴書屋何曾見世情

朴美仲 趾源乾

酒壘詞墻一世空哭君尤覺此身窮更無奇事今天
下忍送斯人又地中司馬文章真自許元龍志氣復
誰雄堪憐後死 獨立蒼茫小海東

金令吾與 愚淳 宅拈簡易集韻

卜夜前期恐或違黃昏為扣北山扉豈真舉眼無青
白不必將身處是非好話猶嫌經日短衰骸漸使到
城稀慙慙傾盡梅花釀更稅歸人薜荔衣

除日漸近兄弟相守仰屋無棕拈三淵集韻共

賦

去日駸駸歲欲更老懷寒落漸難平未將赫渥顏常
駐怎擺玄花眼復明經語重繙新有解時情熟閱別
無驚百年吾道乾坤內寄著形骸悟此生

其二

不百人生本鮮歡經冬况乃苦飢寒禁嚴白酒那沽
市直賤青魚未上盤書癖漸慵忘過易貧魔隨戲善
屋難吾衰命矣如斯已存亦心安沒亦安

其三

為饒年光強住歡星河錯落臘天寒殘更可秉庚申
燭正結終迷子午盤以物觀心離去遠向人開口得
來難世間第一真豪傑卻子行窩到底安

其四

羹藜飯糲亦堪歡往哲何嘗薄儉寒我命不輕如禹
鼎聖功無息有湯盤名場得失埋頭易敗局輸贏著
手難却悔在前狂走住新從來日養閒安

其五

邱壑平生我所歡薜蘿常服耐孤寒陰雲大澤龍深
卧霽日長空鶴遠盤無累物中居亦便不求天下讓

非難從今開戶携童稚課得殘經是遺安

其六

定僧身事新悲歡瘦骨嶒峻向僻寒道屈聖人猶木
鐸時來奴子亦金盤邦謨習慢綱皆弛俗病成謏藥
最難高卧東山真得計蒼生苦樂豈閑安

其七

喧喧男女付它歡迎送年光一夜寒茶以代醪饒注
罐雪如為膾侈登盤賦成佳句今其已教得英才蓋
亦難歷數人豪三代下這村夫子問何安

其八

衰顏別住異鄉歡况又綈袍戀一寒玉塵談清名士
席膏刀膾細美人盤假如越視交非易無已秦求緒
亦難遙想郡齋書到日東歸消息喜平安

此一律寄
黃州使君

其九

空山積雪閉荆門悄卧荒村老木園鑠骨喪感茹至
恨到頭飢事動餘魂眼看烏兔行將遽身學龍蛇蟄
以存更怕官家防醮飲夜深松火巷無喧

元日又用三淵自然室除夜賦共賦

百感荒村寂寞濱年來年去送迎頻乾坤逆旅當行
客書劒平生可笑人夜既中分爭以子斗方東指建

於寅陳辭再拜祈蒼帝願逐山家舊鬼貧

其二

中歲纏哀骨肉親支離滄淚此何人蠟燭殘夜傳三
鼓湯餅荒年鬧四隣月德建寅元用夏天時八酉始
為春床頭未了殘經業省取湯盤勉日新

其三

終歲癡頑土木身平安三百六餘旬向陽竹牖仍孤
倚索笑梅簷強一巡養鶴使令添眷屬隨僧飯粥度
昏晨堪憐伯玉知非晚依舊頭臙昨日人

其四

故吾消息已灰盡枉遣光陰七十旬荷鍾隨行真達
士畫葫依樣是陳人癯仙飲食應燭火大隱行裝亦
市闈蒸糲不為君子病原顏當日豈憂貧

又得冰字共賦

忘言忘識孰予憎折脚鐺邊一啞僧
收失常時誓米貴釀偷新禁買錢增
僅嘗世味酸於醋風戒塵心冷似冰
祇是名山餘債在明朝理屐欲攀登

示黃州使君

衆萬皆知食其生盡智才血衰難戒
得行賤易嗟來為蚓方云可於熊有
所裁生平知仲者斯世若人哉

又與舍弟用心字共賦

夙佩師言是處尋一生行止鬼神臨
天寒大陸龍蛇蟄歲暝空林虎豹吟
身閱陂平繩直木口爭王霸科
分金男兒到此斯為快白日青天祇
心

其二

溝壑當前幾切尋吾行去去阮車臨
八條章末彷徨歎七策篇中反復吟
斷不入間容赤手大如天下販
黃金平時餓死非奇節到此賢豪亦
用心

金直閣德叟邁淳示余咏梅四篇要和甚勤遂
步湯成各十疊書呈

為花莫與汝爭名忍得冰霜乃玉成處士持身宜靜
閣先生立顏宛孤城有痕清曉依稀夢無緒黃昏黯
澹情不忍靈均區別錯媚春芳草揔蘭蕙

其二

魂氣初還月澹黃脩然珮服皎身章詩嬾犯白陳人
語畫夕墜紅素女粧刺被搔爬無逗漏怎教咀嚼更
停當憐渠判不繁華相退士家園本色涼

其三

壓雪橫枝破萼凋玄陰出色此間浮莊嚴佛現拈燈
拜婢妯仙來舉盞酬一切摩挲猶不釋百回吟弄可

能休老饗日食清香活好把餘年慰白頭

其四

巡簷索笑日歡迎照眼踈英的的明衰病伴留同白
傳鄙心消去似黃生乾坤一種全清氣邱壑三分是
素情試植閒筇將八戶還慚往跡世間行右一壘

其五

令姿非一固難名叅互人天劇弄成真箇生煙應種
圃若干零雪直連城寒山更遣從容色曉月尤添冷
淡情最合寡來貽遠者夫何寄意必江蘅

其六

芍藥廣紅菊亂黃梅惟潔白合圭章超塵自沒此兒
點抹粉誰教別樣粧日聞馨香尋箇是世觀空色證
無當微醒擁被熏爐側勝似荷池納晚涼

其七

我愛其疎亦愛稠玄中一味色香浮冰霜苦節誰多
耐天地私恩爾獨酬欲與之言無可否且觀於世卜
行休今年準擬修花史特寫王春臘月頭

其八

若覩高朋下榻迎天寒獨立自分明信其守默容今
世如是觀空悟夙生饒白本來清士事妬紅寧住怨

儂情荒江數曲疎籬出約莫黃昏起傍行

右二疊

其九

居士觀身亦淨名將移白社就君成權輿子月開香
國後殿辰風退葉城假使呼卿嗔老貌欲從稱伯愛
真情容長難齊美無實誰數蘋蓀與芷蘅

其十

唐稱杜白宋蘓黃灤水孤山又表章高比人中清聖
韻白於天下越姬粧可妻貧是難堪去欲友癡應未
稱當敢使花王加富貴冰心自信一條涼

其十一

情愛此兄漸密稠逝將隨日共沈浮虧它老態如相
獨做甚名言可與酬驚倒不期佳客至苦吟從被劣
魔休想是靈山花鬢坐密傳纓絡現頭頭

其十二

梅心媚我解逢迎遮莫江樓雪月明還較白頭知近
死幸將玄契托餘生迫曛啼雀殊無故禁曉寒山大
有情或恐臆顏翻污席時時顧影却前行

右三疊

其十三

早從花譜慕芳名今夕佳期與子成難道遠神傳畫
苑怎成竒策破詩城無端向我如欣色率爾令人自

靜情記取西山微月閣此身應是後長蘅

其十四

禪觀老子面枯黃妙諦香嚴誦一章合著懼僧頰浴
睡敢教顛蝶乍窺粧梨花魄淺元非等柳絮情狂太
不當申戎家僮無別法早開時候適溫涼

其十五

見君雅度出於稠滿面陽和藹若浮慈讀仙書未欲
質淺斟名酒就相酬凡人痼癖如吾少斯世因緣與
爾休竟畫叅香癡坐內淨觀全學老堂頭

其十六

邂逅仙姿一粲迎怪吾昏眼忽猜明無愁可着眉稜
展有氣何來鼻孔生映水沾沾如作意臨風稍稍欲
舍情起屐飲食皆清淨况入香王國土行

右四疊

其十七

西子何須識姓名超然國色自天成欲題華額藏春
塢當采竒熏八雲城林下水邊元氣味燈前酒後益
風情騷經用意真華汝故不輕書列蒨蘅

其十八

香生牙頰孰雌黃如玉其容闇日章潤瘦陶盆斟淨
水遮寒紙帳護新粧玄機始復心其見素液方升色

正當試為勞人投上藥熱腸端合服清涼

其十九

三三五五間稀稠烟若新星個個浮投以明珠猜眼
對懷之白雪好音酬如其解語人何謂不強催詩我
且休多謝東皇私造化初陽一索勒回頭

其二十

每日呼哥欲拜迎書床賴得十分明幽人所履元貞
吉季女斯飢太瘦生落落故應難合意溫溫真若可
通情酸醜不識調羹術負手荒園獨自行

右五疊

其二十一

歲晏瑤華葆厥名古今昭質豈虧成因風好信嘉賓
曠竅夕幽期靜女城巧化憑人能棄力空緣著物自
生情寒天子珮堪持贈莫向芳洲採杜蘅

其二十二

得色天玄與地黃緣何守白斐成章貞心不有傾城
質冶態寧為倚市粧屏幙却風先準備鼎墨隨日且
排當故人信息疑君是留見牕西落月涼

其二十三

大家同異辨疏稠堅白之言胥近浮尔德唯馨其臭
合吾心亦素不言酬身如近俗應無與句不驚人祗

可休勤囑東風先着力好教高壓百花頭

其二十四

先天一氣訝初迎可讀義經理發明禁蕊非閑貞後
客幻胎先幹剝中生陰晴閱歷尤堅節冷煖消商已
息情堪畫此時驢背安夕陽殘雪灞橋行

右六疊

其二十五

娟娟稱合義人名脉脉黃昏目與成妙氣自生虛白
室高標獨立衆香城不分異趣歸同趣還向無情入
有情今世孰為驚眼事慣看春物是荃蘅

其二十六

不向春芳闋紫黃歲寒孤節獨弥章
織歌怕落休調曲淺雪憐消合洗
粧鏤月雕冰皆圈套重烟疊夢詎
勾當晴窗每住愁中笑身事從今
免踟涼

其二十七

花肉憐生疊疊稠清齋晏晦色天
浮窸窸遣日何言語徃徃題詩自
唱酬剩挹清芬生亦足斷知竒癖
死應休蕊宮是月羣芳會九錫宜
加最上頭

其二十八

拈來是法燭前迎箇箇澄圓證妙
明貴富諸交忘宿昔清高一節信
平生孰爭天下都無事偕隱山中
乃

若情莫使癡僮輕掃石滄江薄暮
好尋行

右七 置

其二十九

牧丹何擅壯元名釋汝寧馨說不
成絕勝芝蘭熏八室詎爭桃李爛
盈城春風別住初消息臘雪方生
本性情信角孤貞違俗遠時人它
自詠芳蘅

其三十

慨獨余何建皦黃古詩吟賞標梅
章披帷忽見人斯在開閣方知女
所粧病骨爭寒多日賴衰顏比瘦
幾分當年来判断芳華念轉愛林
園韻味涼

其三十一

閒工箋註校花稠角白天然獨也浮香癖太深終欠
著素緣差重若為酬好消此日難留得究竟它時底
遣休月落參橫真畫本傳神只在曉江頭

其三十二

牆影依依若可迎玉人來否月初明衣巾欲冷仙風
灑笑語皆香燕寢生籬落杖屨舍古色山園寂莫抱
幽情湘累未度花神厄饒得椰榆澤畔行

右八疊

其三十三

娑婆花下覓香名小約紫門與會成信使應來憑驛
踏故人相憶在江城諸般雅事宜供眼太上清言席

稱情一種盲叅無正解充幃雜臭染薰蕕

其三十四

辨中些子細鬚黃外此全身賁有章昭悵故愁臨膜
笛嬋娟如夢向晨粧似渠名士嗟何及似我奇人恐
未當鎮日忘飢一嗅坐窮廬無復色淒涼

其三十五

非無郁烈雜香稠尔色温存最鎮浮見在水壘心莫
問商量粉筆債難酬千番囑角三春住一日從它萬
念休多少欲傾家釀飲醉敬紗帽隱囊頭

其三十六

匪女迎儂儂女迎儂心照女自神明團勻細粉腮腮
著點綴真珠額額生老子沉吟將潤色世尊拈示了
無情知君大有孤山癖淺水荒籬幾繞行

右九置

其三十七

甬心非欲采華名好事天工故作成忽怪異香渾滿
室如論絕色足傾城委塵逝亦遺芳躅臨水居然引
遠情痛罵佞椒專用事寵光何蕙又何蘄

其三十八

不團龍血染玄黃本質純然受白章天下判無如甬
物世間那見這婆粉娉婷窈窕容為近澹泊冲和品

得當况是主人甘寂寞軟塵風味斷炎涼

其三十九

瑤英肥肉映人稠怡悅時時魄動浮儘有蝶魂應恨
斷不知鮫淚底恩酬元初一氣能牽復自此羣陰且
退休慢弄歌兒猶解惜莫須輕贈錦纏頭

其四十

鼻欲觀時眼已迎帝窓煤帳透虛明輕烟乍暝神難
定大雪何寒力甚生幸乞光華聊賴命等看零落奈
為情林家眷屬便宜事分付傍邊鶴子行

右十置

白石遺稿卷之

一

二

Blank manuscript area with vertical lines.

